

Tonga - Banakazi Magwalo - Wives Scriptures

Ba-Efeso 5:22-24 Nubanakazi, amulibombye kubalumi banu mbuli mbumulibombya kuliLeza. 23 Nkaambo mulumi ngumutwe wamukakwe, mbubonya mbuli Kristo mbwali mutwe wambungano, alimwi ngumuvuni wamubili. 24 Pele mbuli imbungano mbwiilibombya kuli-Kristo, abalo banakazi mbubonya baleelede kulibombya kubalumi babo muzintu zyoonse.

Ba-Efeso 5:31,33 Mbuboobo mwaalumi mbweelede kusia wisi abanyina kuti akakatile kumukaakwe, nkabela aba bobile babe nyama yomwe, 33 **Nekubaboobo mwaalumi umwi aumwi akati kanu ayande mukaakwe mbuli mbwaliyanda mwini, alakwe mwanakazi alemye mulumi wakwe.**

1 Ba-Korinto 7:3 Mulumi ulelede kupa mwanakazi wakwe zyelede, alakwe mwanakazi ape mulumaakwe mbubonya.

1 Ba-Korinto 7:34 Awalo mwanakazi uukwetwe amusimbi uutakwetwe balaandene mbubonya. Oyo uutakwetwe ulalipakasizya kumakani aa-Mwami, kuti asalale nikuba kumubili nikuba kumoyo. Anukuti oyo uukwetwe ulalipakasizya kumakani aansi Ituti abotezye mulumaakwe.

Ba-Kolose 3:18 Nubanakazi, amulibombye kubalumi banu, mbubonya mbukweelede mu-Mwami.

1 Timoteo 2:11-15 Mukaintu kanga kafunda cakulibatamika akuba kunsi kumulao. 12 Nsikonzyi kuzuminina mukaintu kwiisya nokuba kumulangila amutwe mwaalumi, pele kanga kaumwine buyo wii. 13 Nkaambo Adamu nguwakasaanguna kulengwa, munsi nkokuya kulengwa Eva. 14 Nkabela Adamu taakwe naakeenwa, pe, mukaintu nguwakeenwa, elyo aenwe boobo, wakaba mucitazibi. 15 Nekuboobo kuti bakujatisya kusyoma kwabo akuyandana akusalala akulibamba, uyoofutulwa kuciindi ncayootumbuka bana.

Matalikilo 3:16 Lino mwanakazi wakamwaambila kuti, Njookuvuzizya macise aako akuminta kwako, uyoozyala bana amacise, alimwi uyoosukama mulumaako, ngonguwe uuti kakweendelezye.

1 Petro 3:1,2 Mbubonya obo, anywebo nobanakazi, amulibombye kubalumi banu nobeni, kuti kwanooli bamwi bataswiilisyi kumakani, basanduke nkaambo kanyendelo zyabakazi babo, kuti tabaambilwi zintu, 2 **kukulangilila inyendelo zyanu zisalala nzimweendela cakuyoowa.**

Tito 2:1-5 Pele yebo kogamine kwaamba makani aaelede kufundisya kwinikwini. 2 **Baalumi bapati babe basitikide, balilemeke akulibatamika, babe bayumu mukusyoma amukuyandana amukukakatila.** 3 **Abalo bakaintu bapati mbubonya, babe aziwa zyabulemu, batanootamikizya, nokuba kwiindilizya kunywa imbote, pele babe bafundisi babululami,** 4 **kuti bafundisye bakaintu bacili bana kuyanda balumi babo akuyanda bana babo,** 5 **balibatamike, akusalala, akukutauka kabotu mumaanda aabo, kabasamauka, akumvwa balumi babo, kuti makani aa-Leza atasampaulwi.**

Tusimpi 12:4 Injanda injumu yabasizibi ilanyonyooka, Pele miyanda yabaluleme ilaima nji,

Tusimpi 14:1 Mwanakazi musongo ulayaka injanda yakwe, Pele mufubafuba ulaimwaya amaanza aakwe mwini.

Tusimpi 19:13 Mwana mufubafuba ulanyonyoona wisi; Kukazyanya kwamwanakazi kuli mbuli mandomondomo aamvula,

Tusimpi 21:9,19 Kukala acooko cakulululi Iwañanda nkubotu Kwiinda kukala amwanakazi silwaambwe muñanda impati, 19 Ncibotu kukala munyika yacimpayuma Kwiinda kuba amwanakazi silubweko.

Tusimpi 25:24 Kukala acooko calululi Iwañanda nkubotu Kwiinda kukala amwanakazi silwaambwe muñanda impati,

Tusimpi 27:15,16 Mbili mandomondomo mubuzuba bwamvula, Mbwabede mwanakazi sikukazyanya; 16 Uumukasya ulakasya muuwo, Uli mbili mafuta mumaanza aakwe.

Tusimpi 31:10-31 Ngwani uukonzya kujana mwanakazi mubotu? Ulayandika loko kwiinda mabwe aarubi. 11 Moyo wamulumaakwe ulamusyoma; Takooyoobula impindu pe, 12 Ulamucitila kabotu, tamubisizyi pe, Mazuba oonse aabuumi bwakwe, 13 Ulayandaula boyo bwambelele abutonge, Ulazibelesya amaanza masungu. 14 Uli mbili maato aabasambazi Ulagwisya zilyo zyakwe kule. 15 Ulaufuma kubuka kubucedo, Ulaabila basijanda bakwe zilyo, Akupa basimbi bakwe milimo, 16 Ulayeeya muunda, akuula; Ulabyala muunda wamasaansa amicelo yamaanza aakwe. 17 Ulaanga cikungu cakwe anguzu, Ulayumya maboko aakwe, 18 Ulabona kuti zyakusambala zyakwe nzibotu, Alampi lyakwe talizimi masiku. 19 Ulabika ijanza lyakwe kumusako wakoosya, Maanza aakwe alajata cipesyo, 20 Ulaufumbatwida bacete, Ulatandabika maanza aakwe kukugwasya bapengede. 21 Tayooweii basijanda bakwe ciindi campeyo, Nkaambo basijanda bakwe boonse balisamine zisani zisalala pyu. 22 Ulalicitila zyakulivumbya; Zyakusama zyakwe nzyamasani mabotu amasani aakamwemvwe, 23 Mulumaakwe ulizibidwe kumilyango, Naakala akati kabapati banyika, 24 Ulatunga zikobela zyabutonge akuzyuuzya, Ulaabila basambazi inkumba. 25 Ulisamine inguzu abulemu; Ulaseka buyo mazuba aali kunembo, 26 Ulaasama amulomo wakwe cabusongo; Mulao waluyalo uli kululimi Iwakwe. 27 Ulalanga kabotu kweenda kwabasiñanda bakwe; alyi cilyo cabutolo. 28 Bana bakwe balabuka akumulongezya; Alakwe mulumaakwe ulamutembaula; 29 Ulati, Banakazi banji bacita kabotu, Pele yebo wabainda boonse. 30 Kubotezya kuleena, akweebeka nkwabuyo, Pele mwanakazi uuyoowa Jehova uli acoolwe. 31 Apegwe micelo yamaanza aakwe, Amilimo yakwe imutembaule mumilyango.

Pastor T. John Franklin

Church of Salvation, Healing, and Deliverance

COS-HAD.org